

## HUGHES, THOMAS ISFRYN (1865 - 1942), gweinidog Wesleaid;

**Enw:** Thomas Isfryn Hughes  
**Dyddiad geni:** 1865  
**Dyddiad marw:** 1942  
**Priod:** Catherine Hughes (née Jenkins)  
**Rhiant:** John Hughes  
**Rhyw:** Gwryw  
**Galwedigaeth:** gweinidog Wesleaid;  
**Maes gweithgaredd:** Crefydd  
**Awdur:** Griffith Thomas Roberts

Ganwyd 16 Hydref 1865 yng Nghlocaenog, sir Ddinbych, mab John Hughes, gwerinwr goleuedig a diwinydd praff. Dechreuodd bregethu yn ddeunaw oed, derbyniwyd i'r weinidogaeth yn 1887, ac wedi tymor yng ngholeg diwinyddol Handsworth gwasanaethodd gylchdeithiau Abergele (1890), Llanfaircaereinion (1891), y Rhyl (1893), Tywyn (1895), Coed-poeth (1896), Tre-garth, (1899), Mynydd Seion, Lerpwl (1902), Blaenau Ffestiniog (1905), Llanrhaeadr Mochnant (1908), Mynydd Seion, Lerpwl (1911), Oakfield, Lerpwl (1914), Porthmadog (1919), Llundain (1922), Porthmadog (1925), a Biwmares (1928). Ymneilltuodd yn 1931; bu farw ym Mae Trearddur, Môn, 27 Rhagfyr 1942. Priododd 11 Medi 1894 â Catherine, merch Thomas a Margaret Jenkins, o Aberdyfi. Efe oedd Llywydd Cymanfa'r Wesleaid yn 1918. Yr oedd yn awdur amryw ysgrifau (diwinyddol yn bennaf) yn yr *Eurgrawn Wesleaid* ('Papurau Diwinyddol ', 1911; ' Y Tu Hwnt i'r Llen ', 1921-2; a chyfresi eraill byrrach) dan ei enw ei hun a'r ffug-enw ' Ifor Glyn ', erthyglau i'r *Geiriadur Beiblaidd*, esboniad ar *Philippiaid* a *Philemon*, a chatecism diwinyddol, *Yr Arweinydd*.

### Awdur

Griffith Thomas Roberts

### Ffynonellau

*Yr Eurgrawn Wesleyaidd*, 1904, 312-313, 1907, 74-75, 1943, 68, 101-107

*Who's who in Wales*, 1920

### Dolenni Ychwanegol

Wikidata: [Q20734467](https://www.wikidata.org/wiki/Q20734467)

**Dyddiad cyhoeddi:** 1970

**Hawlfraint Erthygl:** <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

